

TQANIL TIB'AJ KAWB'IL IN TQANIN TIQU'N NCHI KUB' JPUNA XJAL AQE' JAKU'
TZOK TX'U'J YAB'IL COVID-19 KYI'J

QA

- **MA TXI' TZ'EL KAB'K'AL JWE'LAJ AB'Q'IYA**
- **YAB'XU'JA (embarazada)**
- **ATOK TYAB'A MO MYA' B'A'N TNAB'ILA MO AT JUN YAB'IL ATOK TI'JA EX QU'NTZUN JAKU' TZ'OK TX'U'J YAB'IL COVID-19 TI'JA.**

AJU AQ'UNTL TIB'AJ KA'YB'IL XJAL NCHI IKY'X JUN PLAJTL EX JAKA'YB'IL K'A'XJAL MO TIXTI' NCHI IKY'TZ TOJ TNAM TOK TB'I TE (ICE TOJ KYVOL ME'X XJAL), ILTI'J TU'N TKUB' TKA'YIN B'A'NXIX QA AT TU'N TKUB' JPU'N JTETL Q'IJ JUN XJAL.

Toj junk'al q'ij ex toj tkyajin xjaw te ab'q'i 2020, jun jakawb'il toj jun tnam kub' ttzaq'wen jun kawb'il tok tb'i te "Kawb'il kyi'j jun k'loj xjal" (acción de clase) toj kawb'il toj tb'i (Fraihat) ti'j ICE, in tka'yin tza'n tumel tten xnu'lsb'il toj Jatzuyb'il te ICE. Aju kawb'il kyi'j jun k'loj xjal aju lu', jun tumel tu'n kyonyit jun k'loj xjal. Qa atokxa toj jun k'loj xjal lu', qa at jun yab'il atok ti'ja kyxol nchi q'umanjtz kub'ni ex tu'ntzun lu' jaku' tz'ok tx'u'j yab'il coranvirus/COVID-19 ti'ja kyu'n:

Ma txi' tz'el kab'k'al jwe'laj ab'q'ia	Qa mya' b'a'n qe' tri'ona
Yab'xu'j (embarazada)	Qa ate' q'an yab'il
Kuw yab'il tza'n qe': tyab' qanmi ex qib'otx'il (mixti' nb'et chiky' toj tumel, maqb'il xewb'aj mo q'anb'il tnam jun xjal)	Aqe' yab'il ti'j maqb'il xewb'aj (Maqxew (asma), tyab' spo'y (pulmón) ex tza'n yab'il bronquitis mo tyab'il qxew mo junjuntl tyab' spo'y (pulmón) at.
Mya' b'a'n tlijpne chiky' (Presión arterial alta)	Tyab'il Qa o tz'el tx'ixpu'n jun pi'x t-xmilala
Tyab' ttx'otx'il (hígado)	Tiky'len Q'anb'il
Chi'chiky' (diabetes)	Yab'il (VIH/SIDA)
Kanser	

Qa at jun yab'il atok ti'ja kyxol ma chi q'umanjtz, **ilti'j** tu'n tkub' tka'yin ICE b'a'nxix qa b'a'n tu'n tkub' jpunx xjal. Aju lu', lti'j tu'n t-xi' b'inchana b'anqa mixti' xi' q'o'n jun tumel tu'n tex tzaqpina, chojb'il il mo jun tumel tu'n tex tzaqpina tu'n kawil. Ex kyb'inchetil se'nku tten tila, b'anqa nim t-xilen tila xkub' tb'inchana.

Nchi aq'unan kolil xjal tu'n tb'inchet kawb'il tu'n ICE aju b'inchankub' toj junk'al q'ij ex toj tkyajin xjaw noq tu'n tmoyit tx'u'j yab'il COVID-19, noqtzun aju mla'y b'a'n tu'n t-xi' onin qa aju tila tu'n toq t-xi'ya jun plajtl. Aqe' k'loj onil chq'onqex tu'n kawb'il aqe' Southern Poverty Law Center, el Civil Rights Education & Enforcement Center, Disability Rights Advocates, Orrick Herrington & Sutcliffe LLP y Willkie Farr & Gallagher LLP

Qa tajb'ila juntl tqanil tib'aj kawb'il b'inchana toj junk'al q'ij toj tkyajin xjaw mo tajb'ila tu'n tok ttz'aqtzana tqanil, b'a'n tu'n tyolina: kxe'l q'uma'n tqanil toj tumel b'inchana tu'n ICE tu'n taq'unet tqanil mixti' tu'n tb'inte juntl xjal.